



E diela e I

Rrini zgjuar: për të qenë gati për Ardhjes e Tij

D: Në emër të Atit e të Birit e të Shpinit Shenjtë.

T: Amen

Muzikë në sfond dhe ndizet qiri i parë

Më i vogli: Pse e ndezëm qiriun?

Katekistja: Që të bëhemi gati për ardhjen e shpëtimtarit tonë Jezu Krishtit!

TË NDEZIM QIRIUN E PARË TË ARDHJES

TË LUTEMI:

Ka filluar Koha e Ardhjes!

Kjo flaka e parë,

le të shndrisë ecjen tonë

drejt Krishtëlindjes.

Është flaka e pritjes,

e dëshirës për të takuar,

për të folur e për t'u bërë gati

për ardhjen e Jezusit

Eja, O Zot Jezus,

Ti je drita e botës!

Të gjithë bashkë: Maranatha'! Eja o Zot Jezus!

Video: _____

Rrini zgjuar: (Mt 24,37-44)

“E kur do të jetë ajo ditë dhe ajo orë, askush s’di gjë, as engjëjt e qiellit, as Biri, me përjashtim vetëm të Atit! Dhe, si qe në ditët e Noehi, ashtu do të jetë edhe Ardhja e Birit të njeriut, dhe sikurse në ditën para përmytjes, njerëzit hanin e pinin, merrnin gra e gratë burra deri atë ditë kur Noehi hyri në arkë, e nuk ua preu mendja se do t’u ndodhte gjë, derisa erdhi përmytja e i fshiu: ashtu do të jetë edhe në Ardhjen e Birit të njeriut.

Atëherë, prej dy vetëve, që kanë për t’u gjetur në arë, njëri do të merret e tjetri do të lihet, prej dy grave që do të bluajnë në mokër, njëra do të merret e tjetra do të lihet.

Prandaj: rrini zgjuar, sepse nuk dini se në ç’ditë do të vijë Zotëria juaj! E mos harroni: po ta dinte i zoti i shtëpisë se në ç’orë të natës i vjen vjedhësi, do të rrinte zgjuar e nuk do të lejonte t’i thyhej shtëpia.

Prandaj: rrini gati, sepse Biri i njeriut do të vijë në atë orë kur ju s’e pritni”.

Lutje

O Zot Jezus, bëj që të lindë në ne drita e Ardhjes Sate, e shndrite shpresën tonë. Fale dembelizmin tonë, sepse shpeshherë nuk jemi dëshmitarë të Ungjillit Tënd, por preferojmë të jetojmë pa angazhime. Bëj që të rritemi si dishepuj besnikë të Krishtit, sidomos me shenjtërinë e jetës sonë, në shërbim të vëllezërve që janë në vështirësi e në dëshminë e së Vërtetës së Krishtit. Të kërkojmë, me ndërmjetësinë e Shën Gjon Pagëzuesit, që të jemi ne dritë për vëllezërit e motrat tona, derisa të gjithë të mund të besojnë në Ty, që je shpëtimtari i vetëm i njeriut dhe i botës.

Angazhimi i javës: Në këtë javë do të jem i gatshëm të bëj ato që prindërit, mësuesit, katekisti do të më kërkojnë.



E diela e II

Kthehuni: Mbretëria e qiellit është afër

D: Në emër të Atit e të Birit e të Shpirtit Shenjtë.

T: Amen

Muzikë në sfond dhe ndizet qiri i dytë

TË NDËZIM QIRIUN E DYTË TË ARDHJES

TE LUTEMI:

Është flaka e angazhimeve tona drejt Jezusit,
të heqim nga udha jonë gjithcka
që ndalon zemrat tona
të transformohen nga Ai,
për ta ndjekur dhe për të sjellë
në botë frytet e drejtësisë,
paqes dhe të butësisë.
Eja O Zot Jezus,
ti je drita e botës!

Video: _____

Kthehuni: (Mt 3,1-12)

Në ato ditë u duk Gjon Pagëzuesi duke predikuar në shkretëtirën e Judesë e thoshte: “Kthehuni se u afrua Mbretëria e qiellit!”

Dhe, njëmend, ky është ai për të cilin parafoli Isaia kur tha: “Zëri i atij që bërtet në shkretëtirë: përgatitni udhën e Zotit, rrafshoni shtigjet e tij!”

Gjoni ishte i veshur me petk leshi deveje e rreth ijëve kishte një rrip lëkure; ushqejej me karkaleca e me mjaltë të egër. Asohere vinte tek ai Jerusalemi, mbarë Judeja dhe e gjithë krahina e Jordanit. E pasi ata i rrëfenin mëkatet e veta, ky i pagëzonte në lumin Jordan.

Kur pa se shumë farisenj e saducenj po i vinin në pagëzim, u tha: “Pjellë shlligash, kush ju mësoi t’i ikni zemërimit që po vjen? Bëni, pra, vepra të denja kthimi! As mos t’ju bjerë në mend të thoni në vete: ‘Kemi atë Abrahamin!’ sepse unë po ju them: Hyji mund t’i nxjerrë Abrahamit bij edhe prej këtyre gurëve! Tashmë sëpata u vu në rrënjë të pemëve; çdo lëndë që nuk jep fryt të mirë, pritet e hidhet në zjarr.

Unë ju pagëzoi me ujë në shenjë kthimi, porse ai që po vjen pas meje, është më i fortë se unë e unë nuk jam i denjë as t’ia zbatohet sandalet: Ai do t’ju pagëzojë me Shpirtin Shenjt e me zjarr. Ai e ka në dorën e vet terplotën e do ta pastrojë lëmin e vet; grurin e vet do ta mbledhë në grunar, kurse bykun do ta djegë në zjarr të pafikshëm.”

Lutje

O Zot Jezus, bëj që të lindë në ne drita e Ardhjes Sate, e shndrite shpresën tonë. Fale dembelizmin tonë, sepse shpeshherë nuk jemi dëshmitarë të Ungjillit Tënd, por preferojmë të jetojmë pa angazhime. Bëj që të rritemi si dishepuj besnikë të Krishtit, sidomos me shenjtërinë e jetës sonë, në shërbim të vëllezërve që janë në vështirësi e në dëshminë e së Vërtetës së Krishtit. Të kërkojmë, me ndërmjetësinë e Shën Gjon Pagëzuesit, që të jemi ne dritë për vëllezërit e motrat tona, derisa të gjithë të mund të besojnë në Ty, që je shpëtimtari i vetëm i njeriut dhe i botës.

Angazhimi i javës: Në këtë javë do të dëgjoj zërin e Gjon Pagëzuesit e të mos zihem me shokët, që të mos bëhëm xheloz dhe lakmues, për të jetuar në paqe me veten time e me të tjerët.



E diela e III

*Shpirti i Zotit është mbi mua, më ka dërguar që t'u
sjell lajmin e mirë të varfërve.*

D: Në emër të Atit e të Birit e të Shpinit Shenjtë.

T: Amen

Muzikë në sfond dhe ndizet qiriu i tretë

TË NDËZIM QIRIUN E TRETË TË ARDHJES

TE LUTEMI:

Ky qiriu i tretë,
ndricoftë ecjen tonë
Drejt festës së Krishtëlindjes!
Është flaka e gëzimit që ofroj dhe marr
dhe kam kuptuar
që ti je shpëtimi ynë.
Është gëzimi që shoh duke lulëzuar
tek buzëqeshja e një miku,
në fytyrën e një të moshuarit,
në personat që kam pranë.
Është gëzimi që marr nga kush më pranon,
më ndihmon e më fal.
Eja, O Zot Jezus,
ti je drita e botës!

Video: _____

Gëzohuni: (Mt 11,2-11)

Tashti, kur Gjoni dëgjoi në burg për veprat e Krishtit, dërgoi nxënësit e vet për ta pyetur:

“A je ti ‘Ai që do të vijë,’ apo duhet të presim një tjetër?” Jezusi iu përgjigj:

“Shkoni e tregojni Gjonit çka po dëgjoni e çka po shihni: Të verbërit po shohin, të shqepit po ecin, të gërbulurit po pastrohen, të shurdhërit po dëgjojnë, të vdekurit po ngjallen, të varfërve po u predikohet Ungjilli. I lumi ai që nuk e bjerr besimin në mua!”

Kur shkuan ata Jezusi filloi t’i flasë turmës për Gjonin: “Çka dolët të shihni në shkretëtirë? Kallamin që e luhat era? Apo çka dolët të shihni? Njeriun që vishet me petka të bukura? Ja, ata që vishen me petka të bukura, ata banojnë në pallate mbretërore! Po, pse atëherë dolët? Të shihni një profet? Po, po ju them: edhe më tepër se një profet, sepse Gjoni është ai, për të cilin Shkrimi i shenjtë thotë:

"Ja, unë po e dërgoj lajmëtarin tim para teje
që ta bëjë gati udhën tënde para teje!"

Përnjëmend po ju them: nga ata që u lindën prej grash nuk u ngrit asnjë më i madh se Gjon Pagëzuesi, megjithatë, më i vogli në Mbretërinë e qiellit, është më i madh se ai.

Lutje

O Zot Jezus, bëj që të lindë në ne drita e Ardhjes Sate, e shndrite shpresën tonë. Fale dembelizmin tonë, sepse shpeshherë nuk jemi dëshmitarë të Ungjillit Tënd, por preferojmë të jetojmë pa angazhime. Bëj që të rritemi si dishepuj besnikë të Krishtit, sidomos me shenjtërinë e jetës sonë, në shërbim të vëllezërve që janë në vështirësi e në dëshminë e së Vërtetës së Krishtit. Të kërkojmë, me ndërmjetësinë e Shën Gjon Pagëzuesit, që të jemi ne dritë për vëllezërit e motrat tona, derisa të gjithë të mund të besojnë në Ty, që je shpëtimtari i vetëm i njeriut dhe i botës.

Angazhimi i javës: Do t'i jap gëzim atij që është i vetëm, i trishtuar ose i sëmurë.



E diela e IV

Virgjëra do të ngjizet e do të lindë një fëmijë që do të quhet Emanuel

D: Në emër të Atit e të Birit e të Shpirtit Shenjtë.

T: Amen

Muzikë në sfond dhe ndizet qiriue katërt

TË NDËZIM QIRIUN E KATËRT TË ARDHJES

TE LUTEMI:

Ky qiri i katërt,

ndriçoftë ecjen tonë

Drejtë festës së Krishtëlindjes që tashmë është afër.

Është flaka e besimit në ty

dhe e projektit që ke për ne.

Por është dhe flaka e dëshirës për të përmbushur vullnetin tënd në jetën e perditshme.

Eja, O Zot Jezus,

ti je drita e botës!

Video: _____

Zoti me ne: (Mt 1,18-24)

Lindja e Jezu Krishtit ndodhi kështu:

Maria, nëna e tij, pasi u fejuan me Jozefin, para se të banonin së bashku, u gjend shtatzënë për virtyt të Shpirtit Shenjt.

Tashti Jozefi, i fejuari i saj, pasi ishte njeri i drejtë e nuk donte ta çnderonte botërisht, mendoi ta linte fshehtëazi. Posa në mendjen e vet vendosi të bëjë kështu, ja, iu duk në ëndërr engjëlli i Zotit dhe i tha: “Jozef, biri i Davidit, mos ki frikë ta marrësh Marinë, të fejuarën tënde, sepse foshnja që është zënë në të, u zu për virtyt të Shpirtit Shenjt. Ajo do të lindë djalë e ti ngjitja emrin Jezus, sepse Ai do ta shëlbojë popullin e vet prej mëkateve të tij.” E gjithë kjo ndodhi që të shkonte në vend fjala e Zotit e thënë nëpërmjet profetit: “Ja, Virgjëra do të mbesë shtatzënë e do të lindë një djalë, të cilit do t’ia ngjiesin emrin Emanuel - që do të thotë: Hyji me ne!”

Jozefi, si u zgjua nga gjumi, bëri siç i urdhëroi engjëlli i Zotit: e mori në shtëpi të fejuarën e vet. E, pa pasur marrëdhënie martesore me të, ajo lindi djalin, të cilit ia ngjiti emrin Jezus.

Lutje

O Zot Jezus, bëj që të lindë në ne drita e Ardhjes Sate, e shndrite shpresën tonë. Fale dembelizmin tonë, sepse shpeshherë nuk jemi dëshmitarë të Ungjillit Tënd, por preferojmë të jetojmë pa angazhime. Bëj që të rritemi si dishepuj besnikë të Krishtit, sidomos me shenjtërinë e jetës sonë, në shërbim të vëllezërve që janë në vështirësi e në dëshminë e së Vërtetës së Krishtit. Të kërkojmë, me ndërmjetësinë e Shën Gjon Pagëzuesit, që të jemi ne dritë për vëllezërit e motrat tona, derisa të gjithë të mund të besojnë në Ty, që je shpëtimtari i vetëm i njeriut dhe i botës.

Angazhimi i javës: Do të bindem për gjithçka që prindërit më kërkojnë.